

Lajčák pozdravlja potpisivanje Memoranduma o razumijevanju o osnivanju Fonda za reformu javne uprave



Visoki predstavnik i specijalni predstavnik EU, Miroslav Lajčák, pozdravio je potpisivanje Memoranduma o razumijevanju o osnivanju Fonda za reformu javne uprave danas u Sarajevu.

«Bosni i Hercegovini su potrebni bolji organi vlasti», izjavio je ambasador Lajčák. «Zajednička saradnja između državne, entitetskih vlada, Vlade Brčko Distrikta, te međunarodne zajednice, pokazuje da možemo zajedno raditi na ostvarivanju ovog cilja.»

Projekat reforme javne uprave predstavlja sistematski pokušaj da se poboljša funkcionalnost i profesionalizam u radu državne službe na državnom, entitetskom, te nivou Brčko Distrikta. Cilj ovog projekta je ostvarivanje veće demokratske odgovornosti i poboljšanje usluga koje se pružaju građanima.

Ovaj projekat predvodi nacionalni koordinator reforme javne uprave koji sarađuje sa organima vlasti na državnom, entitetskom, te nivou Brčko Distrikta. Program zajednički financiraju Nizozemska, Švedska, Velika Britanija, kao i Evropska komisija.

Reforma javne uprave takođe predstavlja preduslov za

potpisivanje Sporazuma o stabilizaciji i pridruživanju s
Evropskom unijom.